

杏苑生中

首子
十六

中医珍本丛书

杏苑生春

明·芮经编

中医古籍出版社出版

三河县中赵甫古书厂装订

北京市新华书店发行

一九八五年九月第一版第一次印刷

统一书号：一四二四九·〇〇五四

定价：二八八元

新刻太醫院發刻醫家必究杏苑生春目錄

一卷

醫學習業

習醫先用明經

論醫

診候定式

聲色脉診

脉病逆順

論脉

脉有損至

異常生死脉

在脉

結脉為病

用藥法象

藥性要旨

用藥宜禁

藥味專精

用藥中病不必盡劑

君臣佐使

制方之法

治法綱要

湯散丸例

異法方宜

標本陰陽

諸陰諸陽

陰海陽海

三陰三陽氣絕

陰陽應象

陰陽虛實

陰陽主病

陰陽生歿

陽有餘陰不足

問病求因

論病

主病標本

感病所因

治未病已病

病原診候

病症虛實

辯疑病名

察病輕重

病得其宜

諸夢為病

臟腑相移

諸痛

關格

人迎氣口說

論本

上古天真

血榮氣衛

男女氣血則一

男女尺脉辯

男女天數

養老

慈幼

無子服藥戒

房中補益

相火

茹淡

夏月伏陰在內

倒倉法

飲食所傷

勞役所傷

內傷治戒

傷寒溫病熱病說

亢則害承乃制

中暑中熱辯

積熱沉寒

煎厥

小便原委

瀉南方補北方

真邪離合

脫營

音釋 附卷首

二卷

脫血

汗法

下法

吐法

陽虛陰盛陽盛陰虛

春宣

藥戒

攻擊說

習醫規法

病源症治

臟腑虛實為病

陽明病

內外傷辯

醇酒宜於飲

受胎

乳硬

癰疽當分經絡

論診候肺疽肺痿法

論雜疽

論五發疽

論三陰三陽時日所旺

勞極傷症

臨機應變

紀用備論

臟腑配天地

運氣政令

運氣勝復

天符歲會

天符

太乙天符

歲會

同天符

同歲會

三合

歲之所直名曰承歲

藥劑評

病分氣血晝夜衰旺

病熱分治

臟傳生歿

一息

二儀

二陽病

三才

三部

三焦

三神

三因說

四氣調神

四氣所傷

四知

四損

四肢

四海

四失

五臟生病

五臟虛實

五臟脈氣

五臟生成

五臟損益

五臟苦欲補瀉

五臟氣味補瀉

五臟相平

五臟別論

五精所并

五鬱

五臟正病

五邪爲病

五絕病治

五勞

五過

五病所發

五邪所亂

五邪所見

五行相尅

五法

六經氣血多少

六不治

六腑

七情藥性

七衝門

七診

七表脉狀

八裏脉狀

奇經八脉

八風

八會

九道脉狀

九候

九藏

九鍼

九蟲

九竅

九氣為病

十變

十法治病

十二經絡

十二經見症

十二原

十二宮

十二月人氣所在

十二多

十二經水

十二經脉之終

十二經是動所生之病

十二經絡始終流注

十二經治法

十三陰

十五絡

二十問

臟形正面踪源

臟形背面踪源

十二經絡序 形穴

手太陰肺經形穴

總歌訣二十法

手陽明大腸經形穴

總歌訣有二十法

足陽明胃經形穴

總歌訣四十有五法

足太陰脾經形穴

總歌訣二十有一法

手少陰心經形穴

總歌訣有九法

手太陽小腸經形穴

總歌訣一十有九法

足太陽膀胱經形穴

總歌訣六十有三法

足少陰腎經形穴

總歌訣二十有七法

手厥陰心包經形穴

總歌訣有九法

手少陽三焦經形穴

總歌訣二十有三法

足少陽膽經形穴

總歌訣四十有三法

足厥陰肝經形穴

總歌訣一十有三法

任脉形穴

總歌訣二十有四法

督脉形穴

總歌訣二十有七法

三卷 上下

約方之法

藥品製度

用藥增損

六經引藥

瀉六經火藥

藥劑準則

煎熬服法

風

中氣

中惡

寒

暑

濕

疫癘

大頭天行瘟疫病

温病

熱病

外感

內傷

四卷 上下

瘧瘧

痢瘧

霍亂

泄瀉

嘔唾

噎膈

嘈雜吞酸唾酸

脾胃

諸氣

六鬱

痰飲

五卷 上下

咳嗽

喘瘧

虛勞

諸血

汗瘧

虛煩

消渴

諸熱

痺瘰

瘰癧

咳逆

疔瘡

面部

頭痛

六卷 上下

眩暈

眼目

眼眶眉骨痛

鼻

耳

口舌

牙齒

咽喉

水腫

鼓脹

積聚

疝

心胃腹痛

肩背臂痛

腰脇痛

健忘怔忡

小兒科

調治痰疝

五臟病治

吐

瀉

驚

疳

內外傷感

癰疹痘瘡

夜啼

解顛

變蒸

小兒雜證

七卷 上下

狂癲驚癇

疔瘡

脚氣

痛風

白虎歷節

痿瘖

厥瘖

諸淋 附小便不通

目錄

大便閉結

腸澼下血

赤白濁

夢遺

白淫

遺尿不禁

脫肛

墜傷金瘡

中諸毒

脫陽

尸厥

雜瘰

邪祟

外科

諸瘡

八卷 上下

疔腫

癰瘰

附骨疽

陰瘡

楊梅瘡

時毒

癩風

痔疾

漏瘡

破傷風

陰部

婦
女
科

總說

月經不調

月經不通

經漏崩中

帶下

諸積

胎前

產後

雜用奇法

目錄終

婦科醫家必究杏苑生春八卷下

○總說

夫女子十四歲。天真之氣降。壬癸之水合。衝任脉盛。月事以時。下是有形之後。猶有待於乳哺。水穀以養陰氣。必近二十。方可與陽氣爲配。可見陰氣之難於成也。調經之道。貴乎耗其氣。以行其血。血盛氣衰。是爲之從。從則百病不生。孕育無損矣。蓋衝任二脉。皆起於胞內。爲經絡之海。手太陽小腸。手少陰心之經也。此二經爲表裏。主上爲乳汁。下爲月水。經水者。陰血也。陽必從陽。故其色紅。稟火色也。血爲氣之配。氣熱則熱。氣寒則寒。氣升則升。氣降則降。氣凝則凝。氣滯則滯。氣清則清。氣濁則濁。氣行則行。氣亂則亂。往往見其成塊者。皆氣之凝也。將行而痛者。氣之滯也。來後作痛者。氣血俱虛。色淡者亦虛也。錯經妄行者。

氣亂也。紫者氣之熱也。黑者熱之甚也。或見以紫黑者作痛成塊者。率指爲風冷。殊不知經曰。亢則害。承乃制。熱盛者必無水化。所以熱則紫。盛則黑也。况婦人性執。而見鄙嗜欲。加倍臟腑厥陽之火。無日不升。非熱而何。取之。月經者。爲其一月一次。而有常也。參前者血熱也。遲後者血澁也。且經行之際。與產後一般。將理失宜。爲病不淺。若被驚則血氣錯亂。經水斬然不行。逆於上。則從口鼻出。逆於身。則爲血分勞瘵之疾。若其時勞力太過。則生虛熱。變爲疼痛。恚怒則氣逆。氣逆則血逆。逆於腹腿心腹背脇之間。遇經行時。隨處而痛。過期又安。怒極傷肝。則有眩暈嘔吐之症。加之經脉滲漏於其間。遂成竅穴淋瀝不已。崩中帶下。赤白淋濁。形體瘦弱。自汗潮熱。月水絕閉。七癥八瘕。可立而待。其諸病候。悉與男子治法相同。惟調經胎產崩中帶下。爲

異是故另立女科然亦不能盡聖人之法者爲豪足之家居與
室之中處幃幔之內復以帛幪手臂既不能行望色聞問之神
又不能殫切脉之巧有是闕焉於能盡其術也黃帝有言凡治
病察其形色若色澤形氣相得謂之可治色大形氣相失謂之
難治又云觀人勇怯骨肉皮膚能知其情方爲診法既不得見
其形聲止據脉供藥其可得乎此醫之通患也世不能革醫者
不免盡理質問病家見所問繁反爲醫藥不精往往得藥亦不
肯服似此甚多扁鵲見齊侯之色尚不肯信况其不得見者乎
且其嗜慾多於男子感病倍於大夫加之慈戀愛憎嫉妬憂累
染着堅牢情不自抑所以爲病根深勢篤故難療治又有寡婦
獨陰無陽處閨門慾心萌而不遂致陰陽交爭乍寒乍熱有類
瘡疾或經閉白淫痰逆頭風膈氣否悶面黧瘦脊甚則爲勞其

脉獨部弦出寸口而上魚際究其脉原其疾皆血盛而然。經云男子精盛則思室，女子血盛則懷胎，失遂其意，男則神色先奪，女則月水絕閉，觀其精血思過半矣。其問証候與男子治法稍異者，謹錄於後。

治血氣攻症，心腹疼痛，以玄胡索散治之。

方玄胡索散

玄胡索

當歸

川芎

桂心

木香

赤芍藥

枳殼

桃仁

各一錢

熟地黃

三錢

右哎咀，水二鍾，薑三片，煎一鍾，不拘時服。

治血風身體疼痛，頭昏發熱，煩渴自汗，以人參荆芥散主之。

方人參荆芥散

赤芍藥

柴胡

牡丹皮

鱉甲

荆芥

羚羊角 醱酸枣仁 枳殼 生地黃 人參

白朮 各七分 肉桂 三分 當歸 七分 防風 甘草 各五分

川芎 七分 生薑 三片

右咬咀。水煎八分。不拘時服。

治一切血氣不足。虛損羸乏。或自汗腹疼。以當歸建中湯主之。

方當歸建中湯

白芍藥 四錢 桂枝 二錢 甘草 炙七分 當歸 三錢

生薑 五片 大枣 三枚 飴糖 少許

右咬咀。水煎熟。食前熱服。

治血氣虛冷。時發刺痛。寒熱往來。以異攻散主之。

方異攻散

牡丹皮 芍藥 白芷 乾薑 當歸

玄胡索

陳皮

各七分

官桂

四分

烏藥

川芎

桔梗

各八分

生薑

三片

右咬咀酒一鍾水一鍾煎八分食前熱服。

治七情所感血與氣併心腹疼痛或健腰脇以玄胡索湯主之

方玄胡索湯

玄胡索

七分

當歸

一錢二分

蒲黃

八分

赤芍藥

一錢

薑黃

六分

官桂

木香

各五分

乳香

甘草

炙

沒藥

各四分

生薑

三片

如唾逆加半夏

八分

橘紅

一錢

右咬咀水煎八分食前熱服。

治血嘈痰嘈心下洋洋嘈雜腸鳴多睡口中清水脇肋脹痛以

旋覆花湯主之。

方旋覆花湯

旋覆花 一錢 細辛 七分 橘紅 一分 官桂

甘草 名四分 赤茯苓 人參 半夏 各八分

桔梗 五分 白芍藥 六分

右咬咀用生薑七片水煎熟食前服。

〔治〕血氣疼痛或吐瀉腹滿以鹽煎散主之 方見四卷內。

〔治〕血海疼痛以烏藥湯。

〔方〕烏藥湯

當歸 二錢 甘草 炙 木香 各五分 烏藥

香附子 各一錢五分

右咬咀水煎熟食前溫服。

〔治〕血風走注疼痛不常以虎骨散主之。

〔方〕虎骨散

虎骨酥炙

敗龜板醋炙

肉桂

當歸

牛膝

玄胡索

熟地黃

威靈仙

漏蘆

自然銅

煨醋淬七
遍各等分

右件依法製度為細末每服二錢熟酒調下。

〔病〕四肢沉重自汗上至頭際頸而還惡風頭疼躁熱以黃芪白

木湯主之。

〔方〕黃芪白木湯

黃芪一兩

吳茱萸

川芎各五分

柴胡

升麻

黃蘗酒洗

甘草炙

羌活各一錢

當歸一錢五分

五味子三錢白木

人參各五斤細辛三分

右咬咀用生薑二十片水煎食前服分作四服。

〔病〕十月霜冷後四肢無力沉重夜痛醋心合眼麻木惡風寒關

眼不麻木頭眩暈近火則有之以溫經除濕湯主之

內七卷

〔病〕勞熱羸瘦四肢煩疼心燥口乾不欲飲食以黃芪地骨皮散
或犀角柴胡散

〔方〕黃芪地骨皮散

黃芪 一錢二分

地骨皮

柴胡

赤芍藥

生地黄

麥門冬

當歸

赤茯苓

黃芩

各八分

人參 一錢

甘草

炙五分

右㕮咀用生薑五片水煎食前服。

方犀角柴胡散

犀角

赤芍藥

地骨皮

麥門冬

各七分

紅花

甘草

赤茯苓

枳殼

各五分

人參 七分

柴胡

黃芪 各一錢

右咬咀用生薑三片水煎食前服。

病脚氣感發兩脚浮腫小便赤澀腹脇脹滿氣急坐臥不得以

桑白皮散

方桑白皮散

桑白皮

郁李仁

赤茯苓

各一錢

木香

防已

大腹皮

紫蘇

木通

檳榔

青皮

各八分

右咬咀用生薑三片水煎食前服。

治寒熱經水適斷熱入血室發狂不認人以牛黃膏或小柴胡

湯方見三卷內

方牛黃膏

牛黃 五分

辰砂

鬱金 各六分

龍腦

甘草 二分

牡丹皮 六分

右件依法製度各另研為末和勻煉蜜為丸如皂角子大每服一丸新汲水化開不拘時服。

治水氣乘肺作喘及支飲而喘以神秘湯主之。

方見六卷內。

病經水弱少四肢懶倦自汗微熱以滋血補氣湯。

方滋血補氣湯

丁香末

甘草稍 生

甘草 炙各三分

白芍藥

生地黃

全蝎 各五分 熟地黃 六分

當歸身

人參

防風

羌活

黃蘗

知母

升麻 各七分

柴胡 一錢

黃芪 一錢五分

五味子 三十枚

右以咀水煎熟空心溫服。

病月經衰少。或閉不行。面黃倦怠。息腹脹喘逆。或膨或退。此血不足。必日輕。夜甚。以當歸散主之。方見六卷內。

病月水往來。及胎產瘀血不散。成脹腹中覺疼。滿悶。以散血消脹湯主之。方見六卷內。

治臟燥悲傷欲哭。如喪神守。以麥冬湯主之。男子間有患此。

方麥冬湯

甘草 一兩
大麥 三合去糠
膠冬 五枚

右件如常煎湯頓服。

治寡婦尼僧。惡風體倦。乍寒乍熱。面赤心煩。或時自汗。肝脉弦

長。當抑陰氣。以生地黄丸。

方生地黄丸

赤芍藥 一兩
生地黄 二兩
比柴胡
黃芩
秦艽 各五

錢

右件依法製為細末煉蜜為丸。如梧桐子大每服三十九丸。
梅湯食前送下一日三服

病婦女與鬼交通者。由臟腑虛弱神不守舍。以風邪鬼魅乘虛而入。故鬼氣得為病也。其狀不欲見人。如有對悟時。獨言笑。或時悲泣。脉息遲伏。或如鳥啄。或來綿綿不知度數。而顏色不變是也。以茯神散主之。方見六卷內。

治心脾血氣痛以葱白散。

方葱白散

川芎

當歸

枳殼

厚朴

桂心

乾薑

赤芍藥

小茴香

青皮

苦練子

熟地黃

木香

麥蘖

神翹

三稜

蓬朮

人參

各六分

鹽五分 葱白連鬚二根

右咬咀。水煎。若大便閉結。加大黃。去鹽。大便自利。加訶子五分。不拘時服。

病經水適斷。寒熱如瘧。頭疼咳嗽。惡心欲吐。穢逆不已。並以黃龍湯。

方黃龍湯

柴胡 一錢五分 黃芩 人參 川芎 各一錢

白朮 八分 甘草 一分 橘紅 一錢 竹茹 栗大一箇

右咬咀。用生薑五片。枣子一枚。水煎。食遠服。

如不嘔。去竹茹。

若月經斷後。身熱譫妄。日晡尤甚。以柴胡地黃湯。主之。為愈。方

內 卷

病神思昏憤，每日上午不得清爽，怕見明處，惡聞人語，至午後方可常常，腹疼頭亦昏重，睡臥驚惕，但加之勞動，或值月經來時，其症尤劇，此為不得遂意之所致也。主乎血虛，以清神養榮湯主之。

方清神養榮湯

川芎 當歸 各一錢五分 白芍藥 熟地黃

人參 茯苓 各一錢 橘紅 柴胡

羌活 甘草 炙 香附子 各五分

如心下不寬，加縮砂仁 七枚 白荳蔻 三分

如有痰，加南星、半夏 俱薑製，各五分

如氣升，加沉香磨濃汁加入。

右咬咀，水煎熟，食前溫服。

〔治〕血虛榮損以四物湯為婦人之要藥當隨症加減合宜而用之也。方見三卷內。

○月經不調

夫衝為血海任主胞胎腎氣全盛二脉流通經血漸盈應時而下所以謂之月水者平和之氣常以三旬一見以像月盈則虧不失常度故謂之月經也若遇經行最宜謹於將理將理失宜似產後一般受病輕為宿疾重可死矣若勞傷氣血致體胃虛弱外為四氣所干內為七情所鬱則或前或後或色不正或錯經妄行蓋參前者氣熱而速也遲後者氣滯而澁也紫黑者氣熱也色淡者氣虛也將行而痛者氣滯也來後作痛者氣血俱虛也錯經妄行者氣亂也成塊而下者氣凝也治法熱則清之虛則補之亂則調之疑則散之必少佐辛熱以舒其鬱熱雖清

之必用火酒二製此反佐之法乃寒因熱用也。

○脉症備說

脉經曰寸口脉微而濇微則衛氣不足濇則榮氣無餘衛不足其息短其形燥榮不足其形逆榮衛俱虛語言謬誤。

太陽脉微而濇微則胃氣虛虛則短氣咽燥口苦濇則失液。

少陰脉微而遲微則無精遲則陰中寒澁則血不來此乃居經

三月一至。

脉微者氣血俱虛。年少者亡血。乳子下利者。庶幾否則亦為居

經三月一至。

脉微弱而濇年少得此為無子中年得此為絕產。

寸口脉沉而遲沉則為水遲則為寒寒水相搏。

病月候不調或多或少不已或過期不行小腹疼痛並以大温經湯

主之

〔方〕大溫經湯

阿膠

麥門冬

川芎

當歸

人參

各一錢

肉桂

三分

甘草

灸四分

白芍

八分

半夏

牡丹皮

六分

吳茱萸

五分

右咬咀用生薑

五分

水煎空心服

〔病〕血虛煩熱月水不調臍腹脹痛痰嗽潮熱以逍遙散加天花

粉川芎主之

方見五卷內

〔病〕月經或前或後或絕不來或淋不斷斷後復來狀如瀉水四

肢虛翕不能飲食腹中堅痛舉體沉重惟欲眠睡多思酸

物以桃仁散主之

〔方〕桃仁散

桃仁

牛膝

當歸

人參

川芎

各八分

甘草

桂心

蒲黃

牡丹皮

半夏

各五分

赤芍藥

生地黃

各一錢

澤蘭葉

六分

右咬咀用生薑三片水煎空心服

〔方〕 瘋月經過期皮聚髮落此血氣弱也以滋血湯。

〔方〕 滋血湯

當歸

人參

黃芪

山藥

白茯苓

熟地黃

川芎

白芍藥

各一錢

右咬咀水煎熱食前溫服。

〔治〕 月水妄行此經血錯亂也以生地黃湯主之。

〔方〕 生地黃湯

生地黃

一錢

黃芩

炒

荆芥

蔓荊子

各一分

黃蘗

知母

藁本

細辛

黃連

羌活

柴胡

升麻

防風

當歸

甘草

川芎各五分

紅花

少許

右咬咀水煎熟食前温服

治月經不調寒熱煩渴以人參荆芥散主之

方見本卷前

治月水參前以四物湯加酒炒黃芩白朮主之

方見三卷內

病月水遲後腹疼滿悶以四物湯加醋煮香附子木香玄胡索

主之方見三卷內

病月水來時間有紫黑血塊相雜而下腰腹疼痛以膠艾四物

湯加醋煮香附子五靈脂炒蒲黃牡丹皮白朮治之

方膠艾四物湯

真阿膠

熟艾

各六分

白芍藥

八分

甘草

各四分

熟地黄 一錢五分

當歸

川芎 各一錢二分

右咬咀水煎熟空心温服

〔痢〕月經將來臍腹疼痛得行稍退以當歸鬚散加木香乳香煎

調麝香少許主之 方見六卷內。

〔治〕月經已止腹脇疼痛此血虛也以八珍散主之若覺腹冷小

加肉桂 方見四卷內

〔治〕順氣調經使氣衰血妄能成孕育以歸附丸

〔方〕歸附丸

香附子 八兩一半醋浸一宿砂銚內煑乾切焙一半童便浸一宿依前煑焙

當歸 四兩

右件依法製度為細末米醋煮麪糊為丸如梧桐子大每服

五十九空心淡醋湯送下

病血氣被風寒邪入月經沉滯腹中冷痛以薑黃散主之。

方薑黃散

薑黃

蓬朮

各六分

紅花

官桂

各五分

川芎

玄胡索

牡丹皮

當歸

各八分

酒

少許

白芍

一錢

右咬咀水煎熟食煎溫服

病胸膈脹滿妨於飲食食至先聞腥臊口出清液吐血四肢弱

目眩時時前後血此得之年少時有所大脫血或醉入房

氣竭肝傷故月事衰少不來也男子則精竭陽事痿弱而

無精彩病名血枯以烏鰂蘆茹丸治之

方烏鰂蘆茹丸

烏鰂骨

蘆茹

各等分

右為細末雀卵為丸如小豆大每服五丸鮑魚汁送下利腸

中也

病經候凝結黑血成塊暴下并水俱作或左脘有血瘕既久月
水不調水瀉不止或穀不化食罷煩心飲食減少甚至瘦
弱此為血脫必須益氣以升陽益氣之劑
左升陽益氣湯

黃芪

白水

各一錢二分

人參一錢

橘皮

當歸

神麴

各八分

升麻五分

柴胡四分

黃芩三分

甘草

炙六分

如瀉乾加粉乾葛五分

如瀉去黃芩

右咬咀水煎熟食遠温服

月經不通

夫月水不通有由氣體虛弱外感風寒內為七情傷於衝任之

脉并乎太陽少陰之經致胞絡血絕不通若有經水來時登廁
爲風寒入於胞絡血得寒則凝澁而結不通者有腸中鳴則月
水不來病本在胃胃氣虛竭不能消化水穀使津液不生血氣
故也有年少時有所大脫血或醉後入房氣竭肝傷月事衰少
名曰血枯有元氣久虛形羸肌瘦口燥善食此血氣俱衰津液
不生漸成骨蒸潮熱咳嗽吐衄月水絕閉亦名血枯也有思慮
勞苦心脾致虛面色痿黃肢體怠墮月水不行此血氣衰乏也
有月經來時被風迎遏或食冷物以致不行此瘀血凝結也有
經水適來續得寒熱就閉不通此熱入血室也大抵津液衰少
血必枯竭脉來微數此由陰虛血弱陽佳乘之少水不能滅盛
火火逼水涸惟當養血益陰使津液漸生血氣充和自然應期
而至慎毋以毒物攻逼愈竭其血猶如求千金於乞丐之人雖

挫楚之下不可得也。若經血委被凝滯瘀積不行，方宜順氣散血，使舊血消散，新血可生。此則推陳致新之理也。若因脾胃氣弱，水穀不化，腸鳴腹痛，經水或來或斷，須當補益脾胃，使元氣易於運化，血液賴此而得安生也。若熱入血室，經斷者，治宜和解熱勢。其血自行，若有子之母，經候全斷，此名兒戒，殊不知經血上為乳汁，下為月水。今子既乳，豈得又行，須待免乳，其血下行，必自通也。故治法有此數端，可拘一者乎。

脉症並陳

跌陽脉伏，水穀不化，脾氣衰，則驚漉，胃氣衰，則身體腫。少陽脉牢，少陰脉細，男子則小便不利，女子則經水不通。經通則為血，不利則為水，名曰水分。

寸口脉沉而數，數則為出，沉則為入，出為陽實，入為陰結。

實陽脉微而弦微則無胃氣弦則不得息

少陰脉沉而滑沉則在裏滑則為實沉滑相搏血結胞門其藏

經絡不通名曰血分

治血虛經閉潮熱痰嗽以逍遙散主之

方見五卷內

病經血弱少四肢煩倦自汗微熱月經不調以滋血補氣湯主

之方見本卷前

病脾胃氣弱骨蒸內熱月水全閉面色痿黃自汗倦怠以補中

益氣湯加川芎生地黃天花粉主之

方見三卷內

病經血被熱煎熬漸漸不行四肢乏力日晡潮熱咳嗽有痰以

柴胡四物湯

方柴胡四物湯

小柴胡湯 半帖

四物湯

半帖和服 方

若泄瀉去黃芩加白朮白茯苓各一錢自汗減柴胡加黃芪一錢寒甚皮膚冷加桂枝五分腹疼加桂心五分咳嗽加五味子五分。

右咬咀水煎熟食遠溫服

病虛勞煩熱頭疼有汗月水不通精神困倦飲食不思以退熱補中湯主之。方見五卷內。

病血衰氣弱月水久閉面痿腮赤上熱下寒口苦咽燥足膝痠冷以十全大補湯加酒炒黃蘗牛膝主之。方見三卷內。

病血衰津竭骨蒸潮熱咳嗽自汗月水不通以胡黃連丸主之。

方見五卷內。

治瘀血凝結月經不通臍腹疼痛以沒藥散。

方沒藥散

沒藥

血竭

桂心

當歸

蒲黃

紅花

木香

玄胡索

乾漆

赤芍藥

右件修製為細末每服二錢熱酒空心調下

〔治〕氣滯血疑月水不通腰腹刺痛以紅花當歸散

〔方〕紅花當歸散

劉寄奴

當歸鬚

赤芍藥

紫威 各一錢

牛膝

肉桂

紅花

白芷 各六分

蘇木 一錢

甘草 四分

右咬咀水煎熟空心溫服。

〔治〕月經不通遶臍寒痛血疑氣結以桂枝桃仁湯

〔方〕桂枝桃仁湯

赤芍藥

桂枝 各一錢五分

生地黄 二錢 桃仁 二錢

甘草 五分 生薑 三片

右咬咀水煎熱空心溫服

治 月水瘀結臍腹疼痛以牛膝散

方 牛膝散

牛膝 五錢 桂心 赤芍藥 桃仁 玄胡索

當歸 川芎 牡丹皮 木香 各三錢五分

右件依法製度為細末溫酒空心食前調服二錢

病瘀血停留月水不通腹中疼痛以牛膝丸氣實者以通經丸

主之

方 牛膝丸

牛膝 九錢 大黃 細辛 桃仁 各五錢 川芎

當歸鬚 各四錢 水蛭 二錢

右件依法製度為末煉蜜為丸如梧桐子大每服二十九溫酒空心送下

方通經丸

川椒

蓬朮

乾漆

當歸

青橘皮

乾薑

大黃

桃仁

川芎

桂心

紅花

各等分

右件依法製度為細末一半用好米醋熬膏和餘末成劑白中杵千下為丸如梧桐子大陰乾每服五十九漆醋湯或溫酒空心任下

治月經不通腹痛疼發作寒熱以凌霄花散主之

方凌霄花散

凌霄花

二錢五分

牡丹皮

山梔仁

赤芍藥

紫河車 山桅仁 血竭 沒藥 硃砂

地骨皮 五加皮 甘草 各五錢 紅娘子 十一箇 桃仁

紅花 官桂 玄胡索 當歸 各三錢

右研細和勻時常用甘草湯洗淨乾敷。

治月經正行悞飲冷水寒物或氣阻遏腰腹疼痛並以當歸類

散主之 方見六卷內

○經漏崩中

夫衝任二脉為經脉之海血氣之行外循經絡內榮臟腑若溢傷損則陰陽和平血氣調適經下依時若勞動過多致臟腑俱傷泣衝任氣虛不能約制其經血故忽暴下謂之崩中又有血熱其勢妄行者有月經來時交合陰陽致傷血絡多成經漏淋瀝俗云血沙淋是也治當調和血氣使臟腑和平經自止罷然

曰陰虛陽搏謂之崩故知崩中熱多也

○脉症備言

脉洪數而疾漏下血赤白日下數升脉急疾者必遲者生緊大者必虛小者生

崩之為病乃血大下豈可為寒但血去後其人必虛當大補氣血為主東垣專主於寒而不言熱者亦間而有之但不知熱之多也丹谿曰有虛有熱虛則下流熱則流通內經曰陰虛陽搏謂之崩

崩漏之疾亦有陰陽若婦人年五十後經止數年矣忽經又行兼腹痛或身熱口渴者曰崩陰症也若婦人三四十之後經行三十日湧不止經曰漏屬陽病也

若崩漏初不問虛實先用四物湯加荆芥穗防風升脉煎服血

不止加蒲黃炒白朮升麻并諸止血之劑止之。

婦人血崩年四十以上悲哀太甚則心悶急肺葉舉焦而上焦不通熱氣在中故血走而崩面黃肌瘦慎不可服熱燥之藥蓋血熱而流行先以黃連解毒湯後以涼膈散合四物湯調最效

病衝任虛損月經不止或崩中下血腹中疼痛以大溫經湯主

之。方見本卷前。

病勞傷血氣月水過多淋瀝不已以膠艾四物湯加炒蒲黃主之。若有汗加黃芪氣弱加人參。方見本卷前。

病勞傷血氣經水非時注下或如豈汁或成血片或五色相雜臍腹疼痛經久不止以伏龍肝散治之。

方伏龍肝散

川芎 熟地黃 當歸 各一錢 乾薑 四分 肉桂 三分

伏龍肝 艾葉 各六分 赤石脂 七分 甘草 炙五分

麥門冬 五分

右咬咀用惠子三枚水煎食前服。

〔病〕月水去多。或崩中過極。心神恍惚。身熱咳嗽。以茯苓補心湯

主之。方見五卷內。

〔病〕崩中暴下。乃腎水陰虛。不能鎮守。胞絡相火。故血走而崩也。

以生地黃湯治之。方見本卷前。

〔病〕脾胃虛弱。經漏鮮血。時值秋初。困倦無力。不思飲食。身熱悶

亂。大便時泄。以當歸地黃湯。

〔方〕當歸地黃湯

當歸 白芍藥 白朮 蒼朮 各一錢 黃芪 七分 五寶

熟地黄

橘皮 各二分半

甘草

分半 柴胡 一分

生地黃

分五厘

右哎咀水煎熟空心温服

〔病〕經水不止如右尺按之空虛是氣血俱脫大寒之症輕手其

脉數疾舉之弦緊或澁此是陽脫陰火亦亡或見熱症於

口鼻眼或渴此皆陰燥陽欲先去也以升陽舉經湯主之

此切補命門之下脫也

〔病〕升陽舉經湯

肉桂

歲夏勿用

白芍藥

紅花

各五分

細辛

六分

人參

川芎

熟地

各一錢

獨活

黑附子

炮

甘草

炙各一錢半

羌活

藁本

防風

各二錢

白木

當歸

黃芪

柴胡

各二錢

桃仁

十枚

右咬咀分作四帖水煎熟空心温服

治崩中不止經水淋瀝以固經丹主之

方固經丹

香附子 醋浸炒黑 蒲黃 炒黑各一兩 枯礬 五錢

龍骨 牡蠣 各二錢五分

右件修製各另為細末炊餅糊為丸如梧桐子大每服五十

丸淡醋湯空心送下

治經血不止以栢黃散主之

方栢黃散

黃芩 炒五分 當歸 栢葉 伏龍肝 蒲黃 各一

艾葉 四分 生地黃 一錢五分

右咬咀用生薑三片水煎空心服

治崩中不止結作血片狀如鷄肝色碎爛以川芎阿膠湯

方 川芎阿膠湯

川芎 生地黄 小蘗 各一錢五分 阿膠 竹茹

當歸 各一錢 續斷 地榆 各八分 伏龍肝 一錢

右咬咀先將膠用蛤粉炒成珠入諸藥內用水煎溫服

治血崩不止或月水淋瀝以五靈脂散治之

方 五靈脂散

五靈脂 去土石用絳塊者炒香為細末

右件為細末每服二錢煎當歸酒和童便調下

病失血過多心神不安言語失常不得睡臥以寧志膏主之

六卷

治血崩不止以當歸頭散或錦灰散主之

香花生春

卷之八

六二

方當歸頭散

當歸頭

龍骨

香附子

炒黑各一兩

棕毛灰

五錢

右件依法製度為極細末每服四錢米湯空心調下。

方錦灰散

錦片

木賊

棕櫚皮

栢葉

艾葉

乾漆

鯽鱗

鯉鱗

血餘

髮也當歸

右件逐味火化存性等分為細末入麝香少許溫酒調服為愈。

方治血崩不止諸藥不効者以十灰丸

方十灰丸

黃絹

馬尾

藕節

艾叶

蒲黃

蓮房

油髮 棕櫚皮 赤松皮 綿花根

右件各另燒灰存性等分爲末醋煮麵糊丸如梧桐子大每服一百丸米飲食前送下。

病崩傷淋瀝不已小腹滿痛常服益榮調經以艾煎丸主之

方艾煎丸

白艾葉 去枝梗淨四面揉令極軟用 吳茱萸 七錢五分

熟地黃 白芍藥 各一兩 石菖蒲 川芎

人參 各一兩 當歸 七錢五分

右件依法製度爲末用酒煮麵糊爲丸如梧桐子大每服五十丸米湯或溫酒空心任下。

病飲食勞倦得暴崩不止或下水漿之物怠惰情臥四肢困倦以升陽調經湯治之。

方升陽調經湯

獨活 五分

蔓荊子 七分

當歸

防風

甘草 炙

升麻

藁本

柴胡

羌活

蒼朮

黃芪

各一錢五分

右咬咀水煎空心服早飯後之。

治血山崩如神。

方二聖湯

何首烏 五錢

甘草 三錢

右咬咀用酒一碗煎至八分取出入刺刺芽汁一盞同服立

應。

方黑龍丸

專治血崩如神及經水過多不止者尤効用黑駝

糞燒灰存性為末麵糊為丸每服五七十九空心酒送下。

○帶下

夫帶下生於帶脉之下。蓋帶脉在腰。如帶之狀。此奇經之脉也。或因風氣寒熱之所傷。或產後早起。不避風邪。入於胞門。子臟。或中經脉流傳臟腑而發。名爲帶下。其患有五。若傷肝經。則下青如泥色。若傷心經。其下色如紅津。若傷脾經。則下異色。黃如爛瓜。若傷肺經。其下白色。如涕。若傷腎經。其下黑色。如衄血。此是婦人極重之病。療之最難。須盡心講究。推源施治。若失痊愈。必爲死候。尺脉急而弦大。乃風邪入少陰之經。則漏下赤白。脉虛遲者生。急疾者死。又云。尺寸脉虛者。漏血。漏血脉浮。不可治也。

○脉症捷言

婦人帶下六極之病。脉浮則爲腸鳴。脉漏緊則爲腹中痛。數則

爲陰中痺痛生瘡，弦則陰戶掣痛，漏下赤白不止，脉小虛滑者，生大緊實數者，死。

間有止知下焦之虛寒，不知中焦之濕熱，殊不知燥熱之劑，偏助心火，心火既盛，其陰血消鑠，所以火升水降，則上熱下冷，下焦虛寒，凝結濁物，故爲之帶下。熱氣熏蒸，則爲腥腐之氣，安獨言其虛寒者乎。

治之當清上實下，清濁自分，理脾養血，濕熱自解，更能清心薄滋味，然後溫補下元，帶自除矣。一云帶下是胃中痰積流下，滲入膀胱，當升之。二陳湯加蒼朮、白朮、柴胡、升麻，甚者用吐法，以提其氣。一用二陳湯加二朮，以燥濕痰。

治赤白帶，臍下冷痛，不欲飲食，以當歸附子湯。

方當歸附子湯

當歸

黑附子

良薑

乾薑

蝎蛭

升麻

甘草

柴胡

黃蘗

少許

塩炒二

右件或為細末酒糊為丸如梧桐丁大每服五十九空心送

下咬阻煎服亦可

病白帶下陰戶中痛空心而急痛身重皮緩身重如山陰中如

冰以助陽湯

方助陽湯

黃芩

橘皮

各五分

防風

芍藥

乾薑

甘草

郁李仁

各一錢

白葵花

七片

柴胡

三錢

右咬咀水煎食前服

治冬後一月白帶再來陰戶中寒以調經補真湯

方調經補真湯

杏花生藥

卷之八

六五

獨活

乾薑

藁本

防風

蒼朮 各二分

麻黃

甘草 炙

當歸身

人參

白朮

黃芩

升麻

各五分

黃芪 七分

良薑

澤瀉

各一錢

柴胡

四分

羌活

一錢

杏仁

二枚

桂枝

少許

白葵花

七葉

右咬咀水煎將好入黃芩少許空心日服。

病白帶臊臭多悲不樂以桂附湯主之其口面上如蟲行乃元氣

極虛加人參黃芪甘草升麻相半。

方桂附湯

黃蘗

知母

各五分

肉桂

一錢

黑附子

三錢炮

右咬咀水煎食遠溫服。

治赤白帶下以五苓散四物湯相和前服。一方俱見三卷內。

病白帶漏多骨木枯者以補經固真湯送之。

方補經固真湯

白葵花 研爛四分 橘皮 五分 薏苡 今 郁李仁

柴胡 炙各一錢 甘草 炙各一錢 乾薑 細末 人參 各二錢

右咬咀水煎空心溫服少壯付早飯擊之

治心腹疼痛赤白帶下面色萎黃四肢羸弱以卷栢丸或當歸

煎丸主之

方卷栢丸

卷栢 醋炙一兩 黃芪 熟地黃各一兩五錢 鹿茸

赤石脂 煨紅醋淬七次 白石脂 川芎 代赭石

艾葉 桑寄生 鱉甲 當歸 地榆 各

木香 龍骨 乾薑 各七錢五分

右件依法製度為末酒煮糯米粉糊為丸如梧桐子大每服

七十九丸空心米湯送下。

方當歸煎丸

當歸 赤芍藥 牡蠣 阿膠 熟地黃

地榆 白芍藥 續斷 各等分

右件依法製度為末醋煮麩糊為丸如梧桐子大每服五十丸温酒米湯任下

病癩疔白帶下注脚氣腰已下如在冰雪以火焙重衣蓋上猶

寒冷之極面白如枯魚肌肉如刀刮小便不止與白帶長流不禁目青如菜晞無所見身重如山腿膝枯細大便難口不能言食不下心下痞煩懊懣口垢背寒嘔噦不止行步欹側不能安地虛之甚極以酒煮當歸丸主之

方酒煮當歸丸

茴香 五錢

黑附子

良薑

柴胡 各二錢

當歸

等一兩以上四味到如直大用一升煮至酒盡焙乾

甘草

苦棟生

丁香

各五分

木香

升麻 各一錢

黃鹽

全蝎

各三錢

玄胡索

四錢

右件依法製度共為末酒煮糊為丸如梧桐子大每服五六

十九空心用淡醋湯送下

治五種帶下腰腹疼痛以大溫經湯主之

方見本卷前

治夏月帶下脫漏不止以升陽調經湯主之

方見本卷前

治赤白帶與痢同法以胃風湯主之

方見四卷內

諸積

諸積其狀不同感病稍異者在腹內近臍左右有一條筋脉急痛大者如臂小者如拍若弦之狀癥者為僻側在兩肋之間

有時而痛此皆陰陽不和經絡否隔飲食停滯氣不宣通邪冷之氣搏結不散而成故得冷則作疼痛也。癥者在腹內或腸胃之間與臟氣結搏其牢強推之不移有血食二種食癥者月候來時多食生冷之物脾胃氣虛不能消化結聚成塊日漸生長血癥者血氣勞傷月水往來經絡否澁惡血停瘀結聚所生積年不散。瘕者假也其結聚浮假而痛推移乃動其發則腹痛逆氣上行乃胞中絕傷惡血不散久則結成或飲食不節寒溫不調或由胞胎生產月水往來血脉精氣不和之所生也。腹痛交滿胸脇腰背相引四肢疼痛月事不調如懷胎之狀邪氣甚盛令人恍惚夜多異夢寒熱往來四肢不舉陰中生氣甚者害於小便小腹重痛或淋瀝面色黃黑則不復有子其候有黃癥青癥燥癥脂癥狐癥蛇癥鱉癥血癥八種也千金外臺言之備詳

疝者內為臟腑氣弱外為風冷入腹與血相結所生主乎肝經故腹中勁急脉亦弦急也痞者其氣痞澁不宣暢也得冷則痛面無顏色四肢瘦弱其諸積為患若入於子臟則使無子入於胞絡則日事不通也。

病。疝。瘕。冷。氣。及。心。腹。痛。不。可。忍。以。麝。香。丸。主。之。

方麝香丸

麝香 五錢另研 五靈脂 阿膠 麪裹煨熟去麪 桃仁

京三稜 各七錢五分 芫花 醋炒 檳榔 各一兩 蓬朮 桂心

沒藥 另研 木香 另研 當歸 各五錢

右件依法製為末和勻以軟米飯杵爛為丸如梧桐子大每服十丸淡醋湯空心送下。

病。血。癥。腹。中。有。塊。政。刺。小。腹。痛。引。腰。背。調。順。氣。血。並。以。琥。珀。丸。

李氏生家

卷之八

六八

或聚寶丹主之

〔方〕琥珀丸

琥珀另研 白芍藥

川烏 牛膝

鱉甲

蓬朮

當歸

厚朴各一兩

木香

淫蘭葉

官桂

各五錢

麝香

五分

右件依法製度酒煮麵糊為丸如梧桐子大每服七十九空

心温酒米飲任下

〔方〕聚寶丹

沒藥

琥珀各二錢

辰砂五分

乳香五分

當歸二錢

麝香二分

右件修合各另為末和勻滴水為丸每兩作十五丸温酒空

心磨下

如難產及產後敗血衝心惡露未盡並入童便少許不拘時服

治諸積復中疼痛肌體倦瘦以葱白散王之治疝瘕効速方見本卷

前款

治瘀血成積腹疼不已以桂枝桃仁湯主之方見本卷前

治疝瘕久不消令人黃瘦疝羸兩脇妨悶心腹疼痛以乾漆散治之

方乾漆散

乾漆 木香 芫花 赤芍藥 桂心

當歸 琥珀 川芎各二錢 大黃炒

桃仁另研各四錢 牛膝三錢二分 麝香一錢

右件修製為細末每服一錢溫酒調下漸去其積

治血癥血積以桃仁丸下去異物後以調理氣血藥補之。

方桃仁丸

桃仁 大黃 朴硝 各一兩 蜜蟲 五錢

右件依法製度各另為末先以醑醋二升半銀石器內慢火煎取半炷香下大黃桃仁蜜蟲三味不住手攪欲下手丸得方入朴硝不住手攪良久出之丸如梧桐子大前一日本喫晚飯五更初服五丸温酒送下待去如赤芫汁或如鷄肝蝦蟇衣狀為度未下再服如畧見鮮血來即止

病月經不調結成血積腹疼堅硬以增損四物湯若有氣加木

香虛弱減稜木加白朮

方增味四物湯

當歸 一錢 三稜 八分 川芎 白芍藥 各一錢 官桂 五分

熟地 錢 生薑 五片 蓬木 八分 乾漆 五分

右咬咀水煎熟食前温服。

病瘕痞及惡血氣攻心腹疼痛面無顏色以川山甲散主之。

方川山甲散

川山甲 熬甲 赤芍藥 大黃 乾漆

桂心 各一兩 川芎 芫花 當歸 各五錢 麝香 五分

右件修製為細末每服一錢温酒空心調下。

逆血癥疼痛以瑞金散治之。

方瑞金散

薑黃 一錢 牡丹皮 蓬木 紅花 當歸

川芎 赤芍藥 桂心 玄胡索 各一錢

右咬咀用水二鍾酒一分空心煎服。

血癥心腹疼痛以牡丹皮之劑

方牡丹皮散

牡丹皮

桂心

玄胡索

當歸各一錢 蓬朮

赤芍藥

牛膝

各二錢

荆三稜一錢五分

右咬咀用水二分酒一分煎服。

病月經不通透臍寒疝其脉沉緊此由寒氣客於血室結積為氣所衝以小溫經湯。

以小溫經湯

當歸

人參

川芎

牛膝

赤芍藥

牡丹皮

蓬朮

各七分

官桂

甘草

各五分

右咬咀水煎熟食前溫服。

治月水不調腹中弦癖寒熱盜汗以人參荆芥散主之。

方見本草

治疝氣疼痛。腹中如弦。筋脉動急。以蟠葱散主之。方見本卷內

治下部癩氣。或奔上疼痛。以五苓散加川練子木香茴香主之。

方見三卷內

治疝癩疼痛。并上嘔吐。湯水不納。以五苓散治之。方見三卷內

○胎前

夫胎孕者。父精母血。因感而會。精之施也。血能攝之。精成其子。此萬物資始於乾元也。血成其胞。此萬物資生於坤元也。數勝其血。則陽爲之主。受氣於左。子宮而爲男形。精不勝血。則陰爲之主。受氣於右。子宮而爲女形。陽施陰化。胎孕乃成。血氣虛損。不足榮養。其胎自墮。或勞怒傷情。內大便動。亦能墮胎。推原其本。皆因於熱。火能消物。造化自然。病源乃謂風冷傷於子臟。而墮。此未得病情者也。東垣先生。令濃煎白朮湯。調黃芩末服者。

正此意也。因而思之。墮於內熱而虛者。於理為多。曰熱。曰虛。當分輕重。好生之士。幸毋輕視。經曰。陰搏陽別。謂之有子。既成胎。孕。又有難產者。往往見於鬱悶安佚之人。富貴奉養之家。若貧賤辛苦者。無有也。保養者宜舒其氣。勿為妄動。若孕婦臨月。必預置熟炭。醞醋乾漆。備分娩之後。去血過多。氣并血逆而上。必作昏憤。名曰血暈。當用乾漆。投炭火中。烟起。以醋酒。放在產婦鼻邊熏之。其氣入內。血從而下。則得甦。兼服血竭等散。有未足月。自為跌撲。或誤服傷胎之藥。致墮之時。去血過多。過崩中。月水。或金瘡吐衄。等過極而暈者。此法亦良。凡妊娠有疾。非比無胎之人。悞觸無妨。臨症之際。留心慎焉。

○脉症並陳

脉經曰。婦人三部脉沉。以手按之。無絕者。孕子也。

脉滑疾重以手按之散者胎已三月也重手按之不散但疾而為滑者五月也妊娠四月脉左疾為男右疾為女俱疾為生二男又云右手沉實為男右手浮大為女右左俱沉實生二男左右俱浮大生二女又云婦人尺脉左偏大為男右偏大為女婦人懷妊離經而浮設腹漏引腰疼者欲生也。

凡婦人欲生者其脉離經半夜覺日中即生。

病妊娠惡阻惡聞食氣痰逆嘔吐以半夏茯苓湯若因傷食嘔吐腐氣以枳縮二陳湯治之。方見三卷內。

方半夏茯苓湯

半夏 赤茯苓 各一錢五分 熟地黃 一錢 桔梗

白芍藥 川芎 各五分 旋覆花 橘紅

人參 各一錢

甘草 四分

生薑 五片

右咬咀水煎熟食前温服。

病 妊娠惡阻吐逆酸水惡聞食氣多臥少起以旋覆半夏湯

方 旋覆半夏湯

旋覆花

人參

赤茯苓

當歸 各一錢 川芎

半夏

各八分 細辛 五分

乾生薑

甘草 各四分

橘皮

去白一錢五分

生薑 五片

右咬咀水煎熟食前服。

病 妊娠煩熱頭疼煩悶胎氣不安吐逆不食以安胎白朮散主

之。

方 安胎白朮散

白朮

橘紅

人參 各一錢

前胡

川芎

麥冬

赤茯苓

各七分

甘草

半夏

各五分

右咬咀用生薑五片竹茹一團水煎食前服。

病經候不行無病似病脉滑大而六脉俱勻或尺中不絕乃是

孕婦之脉也精神如故惡聞食氣或但嗜一物或大吐或

吐清水此名惡阻切勿作寒病治之以人參橘皮湯或保

生湯主之。

方人參橘皮湯

人參

白朮

麥門冬

各一錢

橘皮

一錢五分

甘草

厚朴

各四分

竹茹

一團

右咬咀用生薑五片水煎食前服。

方保生湯

人參

白朮

各一錢

甘草

五分

橘紅

一錢二分

香附子

烏藥

各七分

如惡心嘔吐加丁香

三分

右咬咀用生薑五片水煎食遠溫服。

〔病〕妊娠寒熱頭疼嘔嘿不欲食脇下痛嘔逆痰氣以黃龍湯主

之方見本卷前

〔治〕胎氣不和嘔吐氣升以縮砂仁火焙為細末每服一錢紫蘇

湯或艾煎湯調不拘時服。

〔治〕妊娠心驚胆怯終日煩悶名曰子煩以竹葉湯

方竹葉湯

白茯苓 二錢 防風

麥門冬

黃芩 各一錢

石咬咀用竹葉十片水煎食遠溫服。

〔病〕胎氣不和湊上心服脹滿疼痛乃懷胎近上謂之子懸以紫

蘇飲治之。

方紫蘇飲

紫蘇

人參

陳皮

當歸

大腹皮

川芎

白芍藥

各一錢

甘草

一錢半炙

如氣逆胸膈不寬加縮砂仁七粒炒研碎

右咬咀用生薑五片葱白二莖水煎食前服

病妊娠臨月因發風瘧忽悶憤不識人事吐逆眩倒小醒復發

名曰子癇以葛根湯主之

方見五卷內

病妊娠中風頭項強直筋脉卒急言語蹇澁痰涎不消或時發

搐不省人事亦名子癇以羚羊角散治之

方羚羊角散

羚羊角

獨活

酸棗仁

五加皮

防風

當歸

川芎

茯神

各七分

杏仁

木香

甘草

各五分

薏苡仁

七分

右咬咀用生薑五片水煎食前服

〔治〕胎動腹痛或漏胎以如聖湯主之。

〔方〕如聖湯

鯉魚皮

熟地黃

當歸

各一錢

阿膠

八分

白芍藥

六分

川芎

七分

續斷

五分

甘草

四分

苧麻根

少許

生薑

五片

右咬咀水煎熟食前溫服

〔治〕胎漏經血妄行淋瀝不已以桑寄生湯主之。

〔方〕桑寄生湯

桑寄生

當歸

續斷

川芎

白朮

香附子

阿膠

茯神

人參

各八分

甘草 四分

右吹咀用生薑五片水煎熟食前服

因什胎動不安腰腹疼痛以膠艾湯

方膠艾湯

當歸頭 一錢五分

川芎

白芍藥

熟地黃

黃芪 各一錢

阿膠

甘草

艾葉 各五分

右吹咀用生薑五片棗子一枚水煎空心服

治胎孕不安以芩木湯主之下血不止加當歸頭

方芩木湯

白木 五錢

黃芩 五錢

右吹咀水煎熟食前溫服

胎動不安或夜或見惡露或不夜或不見惡露以安胎飲治

之

〔方〕安胎飲

當歸

黃芩

白芍藥

川芎

各二錢

白朮

一錢

右件或為細末酒調方寸七一日二服尤妙

〔治〕妊娠小便澁少遂成淋瀝以安榮散

〔方〕安榮散

麥門冬

通草

人參

各八分

滑石

炒六分

當歸

一錢

燈草心

甘草

各五分

細辛

四分

右吹咀水煎熟空心溫服

〔治〕妊娠胎水不利胸滿腹脹小便不通遍身浮腫或胎動腹中

以鯉魚湯主之

〔方〕鯉魚湯

白茯苓

當歸

白芍藥

白朮

各一錢五分

先用鯉魚尾破水淨同橘皮

五分

用生薑七片水三鍾煮汁

煎先藥空心服服後水去盡為度

〔方〕 妊娠轉胞小便不通以舉氣湯服後拍探喉中吐出藥水

頃再飲再吐

〔方〕 舉氣湯

當歸

川芎

橘皮

人參

白朮

各一錢

甘草

四分

熟地黃

半夏

各八分

白芍藥

七分

右咬咀水煎如前法服之

〔病〕 妊娠有水氣身重小便不利洒淅惡寒起即頭眩以葵子茯苓散

葵子茯苓散

〔方〕 葵子茯苓散

杏苑生春
葵子 半升

茯苓 一兩五錢

右為細末米飲食前調下方寸。一日三服小便利則愈。不拘

時服。

治轉胞小便不通。以八味丸主之。或使病人噴嚏。令氣升亦通。

方見四卷內。

治妊娠小便不禁。以桑螵蛸散主之。方見七卷內。

治妊娠面目虛浮。如水腫狀。以全生白朮散。

方全生白朮散

白朮 生薑皮 大腹皮 陳皮 茯苓皮等分

右件共為末。每服食前服之。

治妊娠忪悸。睡裏多驚。以大如聖湯。

方大如聖湯

白茯苓

黃芪

各一錢五分

川芎

當歸

人參

麥門冬

各一錢

木香

甘草

各五分

右咬咀用生薑五片水煎食遠臨臥服。

治 妊娠風壅咳嗽喘滿痰多以百合散主之。

方 百合散

百合

紫苑

貝母

白芍藥

前胡

赤茯

桔梗

各一錢

甘草

五分

右咬咀生薑五片水煎食遠服。

治 妊娠痢疾腹中疼痛以當歸芍藥湯

方 當歸芍藥湯

當歸

白芍藥

川芎

白茯苓

澤瀉

各一錢

白木 二錢

右吹咀水煎熟空心温服。

〔病〕妊婦平日苦於難產若氣實者耗其氣使和平預以瘦胎飲

服之若氣弱者臨產前以大達生散若分娩之際驚恐連日不下服之尤驗。

〔方〕瘦胎飲

甘草 炙七錢五分 枳殼 二兩五錢

右件製度為細末空心白湯調服二錢。

〔方〕大達生散

紫蘇 人參 陳皮 當歸 大腹皮

白芍藥 川芎 各一錢 甘草 炙七五分

右吹咀生薑五片葱白二莖水煎食前服。

〔病〕難產者以催生丹或葵子散或用草麻子十四粒去殼研爛

貼脚心得分娩就去勿遲。

方催生丹

乳香 二錢五分

母丁香 一錢 麝香 二分五厘

右方須臘月修合前藥各另為末和勻用鬼腦髓去膜研細為丸如芡實大每臨分娩胞水破後用溫肺湯吞下一丸立產。

方葵子散

葵子 七十粒

右件如法修製研為細末用無灰酒調服。

病孕婦欲產時遇腹疼不肯舒伸行動多曲腰眠臥心煩其兒

在腹中不得轉動故脚先出謂之逆生須臾不救以烏蛇

退一條蟬退十四箇胎髮一箇谷燒灰為末酒調併進二

服。仰臥。霎時。卽順生。如無別藥。用槐子二七粒。并花水吞下。亦無槐子。用綉針於兒脚心刺三次。五次急用塩少許塗之。卽時順生。

〔治〕難產。以馬枳擲一枚。沸湯送下。男左女右。以手持出。產有苦於難產。不欲育。以貝母絕經湯。產後三朝服之。

〔方〕貝母絕經湯

貝母

當歸鬚

紅花

猪牙皂角

黑豈

虎杖

各等分

右。咬咀。水煎熟。產後服。

〔病〕妊娠九月而瘖。乃足少陰脉。養胎約氣。斷則瘖不能言。其胞

絡繫於腎。少陰之脉貫腎。繫舌本。故也。無治。當十月復。

〔治〕妊娠吐衄血。以必勝散主之。

方見五卷內。

○產後

初產之婦。血氣雖虛。好血未必虧。汚血未必積。臟腑未必傷。何以藥爲飲食。起居勤加調護。何病之有。倘或病作。當求病起。何因。病在何經。氣病治氣。血病治血。寒者溫之。熱者清之。疑者行之。虛者補之。血多者止之。或因飲食所傷。只宜健脾。使其運化。毋得妄行消剋。或染傷寒。只宜和解。禁行三法。其諸魚肉鷄子。肥滑湯品。宜當却去。以此石首。養淡。煮與之助粥。仍避風寒。彼富貴之家。驕恣之婦。卒有白帶頭風。氣痛膈滿。痰逆口乾。經水不調。髮脫體熱。皆是陽盛陰虛之病。天生血氣。本自和平。曰勝曰虛。豈非自啟之耶。

○脉症捷言

產後氣血兩虧。宜細小則吉。洪數實大則凶。

治產後血暈昏迷不醒衝心悶絕以獨行散溫酒調灌入喉即愈。

方獨行散

五靈脂 二錢半生炒為細末溫酒調下。

一方加荆芥穗等分為末童便調下。

病產後血暈血入心經語顛倒健忘失志產後百病以血竭散於分娩時用酒和童便調下其惡血皆自下行更不得衝上。

方血竭散

血竭

沒藥 各等分

右件如法共為細末每服一錢童便和酒煎兩三沸調下為愈。

〔治〕產後血暈昏不知人。更以乾漆燒烟醋酒。鼻中熏之。頓置醋炭在傍。不絕。次以清鬼散主之。

方清鬼散

澤蘭葉

五錢

人參

五錢

荆芥穗

一兩

甘草

炙四錢

川芎

一兩

右件共為細末。熟湯溫酒和勻。調灌二三錢。不拘時服。

〔病〕生產或半產漏下。昏冒不醒。瞑目無所知覺。此皆血暴亡所

致。以全生活血湯。

方全生活血湯

紅花

一分

蔓荊子

細辛

各二分

生地黃

夏月多加

熟地黃

藁木

川芎

各五分

防風

羌活

甘草

柴胡

當歸身

白芍藥

葛根

升麻 各一錢

右咬咀水煎熟食前溫服

〔附〕產後一切諸疾總方分娩以四味散主之

方四味散

當歸 五分心膈煩倍之

玄胡索 五分如氣悶倍之

血竭 五分惡露不快倍之

沒藥 五分心腹撮痛倍之

右各另研為細末用童便一盞煎至六分通口服

治產後惡露不盡胎衣不下血氣攻心以黑神散主之方見七卷內

病形弱婦人產後乍寒乍熱或有惡露不盡停滯胞絡亦能令

人寒熱但小腹急痛為異以參薑四物湯

方參薑四物湯

川芎 各一錢五分

乾薑 八分白芍藥 一錢

當歸 一錢五分

甘草 五分

右咬咀用生薑五片水煎空心服。

治產後傷風熱入胞宮寒熱如瘧嘔逆不已以黃龍湯主之若

泄瀉泄去黃芩今倍白朮

方見本卷前。

治產後惡露方來忽然斷絕續發寒熱以柴胡地黃湯主之

方見

內三卷

治產後去血過多暈倒不醒一切去血以芩歸湯

方芩歸湯

川芎

當歸

各等分

右咬咀水和童便煎食前服。

治墮胎或產後惡血上攻已死者以欬金灰散灌下立醒

方欬金灰散

壽金 五錢

右件燒灰存性為末。每服二錢。米醋一呷調立甦。

〔病〕產後敗血停積五臟。流入四肢。令人浮腫。不可作水氣治之。但調經血。浮腫自消。以調經散主之。若去血過多。心虛易驚。加龍腦少許。

〔方〕調經散

沒藥

肉桂

琥珀

各一錢

細辛

麝香

各五分

赤芍藥

當歸

各一兩

甘草

各一錢

右為細末。每服二錢。生薑汁酒任便調下。

〔治〕產後血氣停于脾胃。腹脇滿悶。嘔逆惡心。以抵聖湯。

〔方〕抵聖湯

赤芍藥 半夏

澤蘭葉

人參

各一錢

甘草 各五分

摘紅 一錢一分

右咬咀用生薑七片水煎食遠服

治產後血入肺經面黑發喘欲死以人參蘇木散主之

方人參蘇木散

人參 一兩

蘇木 二兩

右將人參為細末將蘇木煎湯去滓調參末不拘時服

病產後虛弱不止少氣脚弱眼昏頭眩飲食無味以熟地黃湯治之

治之

方熟地黃湯

熟地黃

人參

糯米

甘草

各一錢五分

炙五分

麥門冬

天花粉

各一錢

棗子

三枚

右咬咀用生薑五片水煎食前服

病產後因虛以致敗血停閉心竅神志不能明了。蓋舌乃心之

本。心氣閉塞舌亦強矣。故今不語。以七珍散主之。方見五卷內

治產後虛寒腹疼泄瀉四肢厥冷以理中湯。方見三卷內或理

中丸

方理中丸

白朮 乾薑炮 人參 甘草炙各等分

右件依法製度為細末和勻煉。如大彈丸每服一丸食

前沸湯化下。兼治新產內虛及清虛人多吐。

病產後感冒盛邪時發寒熱盛腹脇疼痛嘔吐以柴胡四物湯

主之。世瀉去黃芩加白朮茯苓嘔吐加橘紅生薑汁。方見本卷

前效

病產後尊勞蓋緣生產日深久坐多語運動用力遂致頭目四

肢疼痛寒熱如瘧自汗以白茯苓散主之。

〔方〕白茯苓散

白茯苓 一錢五分 當歸 川芎 桂心 黃芪

白芍藥 人參 熟地黃 各一錢 東子 二枚

右咬咀用生薑三片用猪腎一對細切洗淨去筋膜先同薑

煮水三鍾煎一半去此三件入藥煎八分空心服。

〔病〕產後大便不通乃亡血津少所致若氣實者以潤腸湯方見三去

內欵止可蜜導或猪胆法不宜通利二方俱見七卷內

〔右〕產後小便不通以歸苓散主之。

〔方〕歸苓散

當歸 茯苓 芍藥 生甘草稍 木通

陳皮 白朮 燈心 各等分

右咬咀水煎熟食前溫服。

〔治〕產後兒腸不收以枳殼二兩煎湯溫浸良久則入。

〔治〕產後子宮不收以三物湯薰洗即入。

〔方〕三物湯

荊芥 藿香 臭椿皮 各等分

右咬咀煎湯薰洗子宮則入。

〔治〕死胎不下以香桂散或芎藭湯水酒煎服。方見本草

〔方〕香桂散

麝香 當門子一錢 官桂 三錢

右件各另研為細末作一服溫酒調下。

〔病〕胎衣不下惡血湊心其症心頭迷悶胎衣上逆衝心須臾不

救以大附子一枚炮去皮臍乾漆炒為末五錢用大黃末

五錢酒醋熬乾卽入前末爲丸如桐子大每服三丸吞下
須臾連進二服如無前藥用赤小豆一升炒過水三升煮
二升取汗溫服亦無豈用婦人自己手足指甲燒灰酒調
須臾又進一服令婦人抱起將竹筒於心上趕下

治產後勞力自盜二汗不止俱以四物湯加黃芪人參方見三卷內

治肥衣不下以牛膝主之

治產後下痢赤白腹中疼痛以胃風湯主之方見四卷內

治產後因氣或得寒物惡血不行凝滯成脹如鼓時覺疼痛以

散血消脹湯主之方見六卷內

治惡血去多或血虛成腫腹滿喘促以當歸散主之方見六卷內

治產後內虛煩熱短氣以甘竹茹湯主之

方甘竹茹湯

甘竹茹

一錢五分

白茯苓

人參

各一錢

甘草

五分 黃芩 八分

右咬咀水二鍾煎一鍾食前溫服

治產後虛煩及心虛驚悸以人參門冬湯主之

方見五卷內

治產後兒枕痛惡露不行臍腹疼痛以沒藥散主之

方見本卷前

治損胎瘀血停留小腹急痛以大溫經湯

此方見本卷前

治產後惡露不盡臍腹疼痛以當歸鬚散主之

方見六卷內

病產後寒熱頭痛不可便作外感施治先審其乳房脹痛必乳

汁欲行以通草湯若乳無病間其惡血去少腹中必痛比

瘀血作也以當歸鬚散

方見六卷內

又非敗血必產日勞苦或

去血過多而然以白茯苓散

方見本卷前

審無是者或起床

日早梳沐勞役而作以補中益氣湯

方見三卷內

又非勞役或

因飲食所傷必心胸飽脹以枳縮二陳

方見三卷內又

非飲食敢是偶冒風寒方以柴胡桂枝湯加川芎主之。

〔治〕產後惡露不通心荒昏沉寒熱交攻。

〔方〕通瘀飲

當歸尾 三錢

大黃 三錢

白木 一錢

木通 一錢

紅花 五分

右水一碗用酒一小盞煎三滾用桃仁三十箇搗爛再煎二

滾去渣溫服

〔方〕產後左脇脹悶一塊臥不敢着床。

〔方〕養血佐肝丸

當歸 酒洗

川芎

白芍 酒洗

陳皮 去白

白木

半夏 香油炒

青皮 油炒

神麴 炒

萊菔子 炒

牡丹皮

紅花

各一兩

香附

二兩

柴胡

酒炒八錢

龍膽草

酒洗六錢

桃仁

八錢去皮尖

三棱

莪木

各五錢醋炒

白茯苓

一兩

右為細末酒糊為丸如梧桐子大每服百丸白湯送下

○雜用奇法

治膈氣上壅久嗽不寧用此燒梨之法極妙

方燒梨法

水梨

一枚去心用白臘一錢研細入水梨中

右用綿紙九重包裹煨梨熟徐徐常食極能潤膈下氣

治一切癰腫不散用此圍法能使患處潰之

方圍法

赤小豆為細末用井水調敷瘡腫四圍乾則易之再敷良

久自愈

治一切痰喘及中痰不語或小兒悞食鹹物成齁氣喘乳食不進俱用此法亦良

方吊痰法

甜瓜蒂 七枚

右件為細末用涼水一茶匙調澄清取汁一呷吐痰涎若齁狀則胸次頓覺齁喘亦定待再作又行

治小兒驚風等症并皆治之

方蝎梢餅子

蝎梢 去毒

乳香

白花蛇 肉

辰砂

南星 牛胆

僵蚕 各五錢

蜈蚣 一條全足者

麝香 三錢

右件依法製度為細末酒煮麵糊為丸如芡實大捏作餅子人參湯若氣實薄荷湯或金銀煎湯每服一餅化開食遠

服一歲以下半餅。

治魚刺鯁喉及心氣疼痛並治

獺肝餌法

獺肝 一具

右件陰乾為末。每服方寸。白湯調服。○或取獺爪為末酒調熱服。

治腎虛百損並皆治之。

方法製猪腎子

猪腎子 一對

右去脂膜洗淨。用童子小便二盞。無灰酒一盞。入新器貯之。以泥封固器口。日初慢火養熟。火至中夜止。至五更再溫發瓶取腎食之。原汁送下。

凡人體弱氣弱用此養鰻之法亦能生精養胃建脾補中。

〔方〕 養鰻法

鰻魚 用鮮活者不拘多少

右件去腸雜垢物洗淨用椒薑葱煮糜爛入淡酒好醋鹽各少許調和甘美常食些須不可多食過多恐為發瀉。

〔方〕 覆盆子汁取蟲法

覆盆葉 不拘多少

右件取青新者嚼碎取汁將皂紗矇眼以筆畫兩眸於紗上然後以汁滴眼下緣轉盼間蟲從紗中出形細如絲失治長久孳生不已如無青者用乾者為末小兒所食之乳汁浸約人行十里許點於眼中仰臥不過數日即瘥。

治眼目不明用羊膽以療之。

〔方〕羊膽點法

羯羊膽一枚去脂膜用好蜜一匙拌勻填原胆中蒸之候乾研細為膏以銀匙挑少許常點之。

〔治〕行路人突然昏暈在地不省人事急以後方治之。

〔方〕蒜土法

大蒜一握

右件用道上熟土相和搗爛新汲水和研瀝去渣夾開齒灌之則甦。

〔治〕解諸蟲蛇毒故用長松餌之法

〔方〕長松根餌法

蓋長松根皮色似薺芫長三五寸味微苦狀類如人參清

香可愛無毒生於古松下。食之毛髮復生言貌如故。此物并代州之人多雜甘草中得。乾煎湯飲之亦可。

治一切惡毒其效莫如此法。

法祛毒法

香白芷

右件爲細末濃煎麥冬湯調服其黃水搵穢從口出則愈。或於蛇齧處灸之引去毒氣。

治諸毒初起用此法令毒氣潰之。

法隔蒜灸法

背瘡初覺欲結未結赤熱腫痛先以濕紙覆腫上視其紙先乾處則是結聚毒頭取大蒜切片如當三錢厚安在腫頭上艾炷灸之三壯卽換一片痛灸至痒痒灸至痛則止。

石苑生春
卷之八
早灸為上

(治)久嗽不止方用此法

(方)咳逆灸法

乳下一指許正與乳相直骨間陷中若婦人屈乳頭脊處是穴炷如小荳大灸三壯男左女右但火到肌則瘥

(治)齒癰消縮法

土地黃 取汁一茶匙

右用猪牙皂角數枚火上炙熟蘸地黃汁再灸再蘸令汁盡為度晒乾為末敷上即縮

(治)患牙疼用此灸法

右將肩尖上微近後骨縫中少舉臂取之當骨解陷中左疼灸左右疼灸右五壯灸畢項痛良久乃定永不復發

〔治〕鼻衄灸法

項後髮際兩筋間宛中灸三壯立止蓋血自此入腦注鼻中出也

〔治〕婦人難產用此難產灸法

以孕婦右腳小指尖頭上艾注如大麥灸三壯火畢立產
〔治〕金刃血出不止法

右用真血竭研細乾敷或降真香碗鎌刮下后器研細乾敷亦妙勿犯鐵器

〔治〕詳內傷何物法

傷米穀

神麩木女蘇

傷肉

阿魏草菓

傷魚鱗

紫蘇生薑橘皮

傷瓜菜

桂心丁香

傷水

枳壳白朮

傷寒物

乾薑行巴豆

傷熱物

黃連欲行大黃

治胃中米穀不納用此安胃之法。

橘紅 二兩 甘草 與 食鹽 炒各五錢

右件為細末白湯不時調服以代茶湯。

治一切瘡腫已穿未穿者將此消腫之法施之。

阿膠 一兩

右用水半碗煎令消鎔後下緋丹一兩慢火再熬數沸攪勻

俟五沸乃攤令冷用磁器收貯如用掃塗四圍而露其中

心如未成瘡止是紅腫則遍塗其處良久自消切勿犯手

慎之。

治懸癰必以甘草酒神效

甘草 大者一兩用橫紋者截長三寸

右件取山澗東流水一大盞以甘草蘸水文武火上慢炙不

不可性急須用三時久而水盡為度。劈視甘草但水中潤然後為透以無灰好酒二碗煎至一碗作一次空心服。查再煎又服三口服一帖已破者難治其患在穀道前外腎之間初發甚痒狀如松子漸如蓮肉月久如核桃加以赤腫若破大小便從此出不可治也須是澗水若井水河水無力。

治女人陰戶浮腫用此陰腫之法消之。

枳殼

用

右件用半斤切碎炒熱熱帛烘熱裹熨冷則易之神效。

治大小便秘結以臍下貼法。

大田螺

二枚

食塩

一茶匙

右件和搗碎貼病者臍下一寸三分用軟帛緊繫之若然暴

通。

〔治〕筋或傷斷用此續筋之法。

旋覆根 不拘多少

右研校汁取筋相對以汁塗而封之即相復續如故。

〔治〕下腸癰法

但腸中痛不可忍而大便從小便中出切其脉孔知是腸癰以雲母膏丸如菘苳大以濃黃芪湯服六七十丸下膿血數升而愈。

〔治〕漏中蟲法

右用活鱧一條擲鱧在地鱧困屈盤就其盤以竹釘五七枚釘貫之覆蒼良久以鱧入水中覺蠕動必有如線細之蟲有否再覆如是者六七易後用乾艾煎湯投白礬二三錢

洗瘡淨以黃連檳榔各等分極細末乾敷月餘方愈

治傷指甲法

右將新採葱塘灰中煨熟剝皮劈開其間有淚取畢損處敷
易則効

治胎不寧用以寧胎之法

右用鼠窟前畚土研細爲末每服二錢用麝香泡湯調服

引箭鏃法

凡人被箭入胸喉及肉不能出以蠖蛄搗汁頻頻滴上以
出爲度若針入肉此法亦良

左祛熱法

遍體生熱毒瘡粘着衣被痛不可忍以石菖蒲晒乾爲末
三斗布席上使患者恣臥其間五七日其疾如失

治臍下連二陰生濕瘡遍滿痒熱而痛大小便澁出黃汁身自
微腫此中下二焦蓄積風熱毒氣是也用後法

左收毒法

右用馬齒莧四兩研爛極細入青黛一兩研勻塗瘡上時久

藥燥再塗如此半月而安內服八正散數帖分散客熱

治跌撲打傷瘀血不散積聚用後法

左散血法

右用韭菜搗汁令漸呷服之約盡五斤而散

新刻太醫院發刻醫家必究杏苑生春卷之八終